


# MUÑOLO FA LIMOTA

 Haibile bo ki busihu bwa Labulalu, Ne ni sepisize maabani, kuli. . . ni ka bulela, haiba Mulena a lumeleza, busihu boo, fa tuto ya kuli *Muñolo Fa Limota*. Ki nto yetuna, oh, ne luka feza lisunda fa tuto ye, kono niteni lu palelwe kuñwaya niheba fahalimu. Kono Ni ka lika ku tomahanya zateni hanyinyani fela busihu boo, ka tuso ya Moya o Kenile. Mi cwale Ni bata kubala kuzwa ku Daniele, kauhanyo ya 5 ni timana ya 25. Mi I bala sina cwana:

*Mi manzwi a ñozwi ki a, MENE, MENE, TEKEL, UFARSIN.*

Mi cwale Mulena aekeze limbuyoti za Hae kwa Palo.

2 Mi ha Ni zibi haiba muzwale waluna yomunde, mubabaleli kwanu, uka tima kwateni malaiti a tuka hahulu aa. Nina ni—ni. . . Ki busihu bo bu monyeha neku le. Ni itumezi, hahulu luli. Ha ni boni sicaba. Mi ha Ni ambola ni mutu, Ni tabelanga kutalima kwa meto ha Ni bulela. Ku bonahalanga fela inge ki kuzibana ni sicaba.

3 Cwale lu sepa Mulena luna, busihu boo, hanze lu lika fela kunga nako yaka ka kuiketa ni kubulela fa tuto ye. Ni ziba kuli ki tuto yetuna. Mi ki sebel- . . . ki tuto, mi ha ki yeñwi ya foliso ya Bumulimu. Kono ki foliso yetuna hahulu ku za Bumulimu. Mubili o kula hahulu wo Ni ziba busihu bo kacenu, ki ona Mubili wa moya wa Mulena luna Jesu, fa lifasi le; ki o kulelela, mi u botehile, konji luli ha u tokwa foliso ya Bumulimu.

4 Cwale, tuto yaluna kacenu ikalela mwa Babilona. Mi Babilona sapili ne ili kwa, mane isali ona cwalo, mwa Shinari. Mi sapili ne ibizwa kuli, “munyako wa Mulimu,” *Babele*. Babel, mi kasamulaho ya bizwa kuli *Babilona*, ili kutalusa kuli “kulyangana.” Mi Babilona ibonahala kwa makalelo a Bibebe, mwa Genese; mi ya bonahala ni mwahala Bibebe; mi ya bonahala ni kwa mafelelezo a Bibebe, yona Buka ya mafelelezo, Sinulo. Mi kakuba kuli ifumaneha mwahala Bibebe kaufela, ina ni kubateni niteni kacenu.

5 Mi, hape, lika kaufela zeliteni mwa lifasi kacenu, mwa nzila ya lika za moya, ze cwale ka Moya wa Mulimu ni moya wa diabulosi, ni litumelo kaufela ni lika zeñwi ze lunani kacenu mwa lifasi, ne li kalezi mwa Genese. *Genese* italusa “makalelo.” Mi lika zani kaufela, ibo li mwatasa libizo lisili ni mwatasa mufuta usili, kono ki ona moya o swana ono kalezi mwa Genese, ya li shitula. Mi kuswana fela kota yesweli kuhula, kutaha kwa toho koo lika taha kaufela fa mafelelezo azona, kwa likatulo zetuna za Mulimu, ko Aka beya lika kaufela. Mi kaufela ze na

ni makalelo li ka ba ni mafelelezo. Ki lika ze sina ze ne sina makalelo kona ze sina mafelelezo.

<sup>6</sup> Ki kabakaleo mu—mu Mukreste ya pepilwe sinca hana mafelelezo, kakuli una ni Bupilo Bobusafeli. Mi Bupilo Bobusafeli ki siemba sa Bupilo bwa Mulimu Kasibili, kakuli Mulimu ki wa Kuyakuile. Mi linzwi le li swana, linzwi la Sigerike la *Zoe* li bulela kuli “Bupilo bwa Mulimu,” mi Jesu ha bulela ali, “Ni ba fa Bupilo Bobusafeli,” lona linzwi leliswana lani li itusisizwe hape. Kabakaleo, mutu ha pepilwe sinca, moya wa hae u cincizwe, mi uba siemba sa Mulimu, kuli mane ki mwana Mulimu. Mi yena ki wa Kuyakuile sina Mulimu hali wa Kuyakuile, kakuli ki siemba sa Mulimu, ka Kupepwa kwa hae, ili Kupepwa kwa moya.

<sup>7</sup> Cwale, Babilona ne i kalisizwe ki muuna yabizwa kuli Nimrod, ya na li mwana wa Kama, muuna ya maswe luli.

<sup>8</sup> Mi Babilona neli yona nkambe yetuna ya lifasi nako yeñwi. Muleneñi tuna wo ha ne u yahilwe kwani, mileneñi yenyinyani kaufela, kaufela kupotoloha, ne ba lifa mali, mitelo, ni zeñwi cwalo, ku ona muleneñi tuna woo, Babilona.

<sup>9</sup> Mi mwahali mwani, haiba mukona kubala mwa libuka zeñwi za kale, ze cwale ka buka ya *Two Babylons*, ni zeñwi zeñata za litaba za kale, mu ka fumana kuli nebana ni mifuta ya lituto kaufela zeshutana mwahali mwani. Nebana ni musali mwani, Hanisa ziba libizo la hae cwale, mi na fumana mibisi yeipitezi mi . . . kuzwa mwa mubu, ni kueza milimu ku yona. Ku lumelwa kuli yani neli yona milimu yana ngile Jakobo ku mukwenyana hae, yeñwi ya milimu ya mibisi yani ni zeñwi cwalo. Neli tukwata nyana fela, mi kuzwa mwa lika zani kutahile litumelo ze lubona mwa lifasi kacenu. Haiba mu ka lemuha sibupeho sa zona, ni buino bwa lika ze kacenu, ki pupo yeswana.

<sup>10</sup> Kacwalo, Babilona ifumaneha fela hande ona mwa mubu onunile mwa musindi mwani, mi ne i potolohilwe ni ku selaelwa ka Nuka ya Euphrates, ni ya Tigris. Mi ne li sibaka sesituna sa njimo. Mi Babilona neli muleneñi omutuna. Mi ki, kuakaleza fela, mwendi mwahala limaili ze mwanda ni mashumi amabeli kona butuna bwa muleneñi; limaili ze mashumi amalalu kwa neku ni neku, zeo likona kuba limaili ze mwanda ni mashumi amabeli hamoho. Ba bulela kuli mikwakwa mwa munzi wa Babilona neli liñokolwa ze mianda yemibeli cwalo mwa butelele. Mamota neli liñokolwa ze eite mwa bukima, mane mwendi ni butelele bo bueza liñokolwa ze mianda yemibeli mwahalimu. Ne ba mata ni likoloi kulakaana fahalimu a mamota ani, ni likoloi zabona. Mi minyako ne i ezizwe ka lisipi, mi minyako yani neli liñokolwa ze mianda yemibeli mwa bukima. Mi fahala tolopo yani nekuna ni muleneñi, mi muleneñi neli lubona. Mi mwahala sibaka sa fahali a munzi kwa taha nuka yetuna, ya Euphrates. Haiba mu ka lemuha, ki munzi wa diabulosi, kakuli u yahilwe

kuswana Munzi wa Mulimu, sina Nuka ya Bupilo fapila Lubona. Mi mwa muleneñi wo, nebana ni masimu amatuna, ana yema hande, mamota amatelele, kwa matuko.

<sup>11</sup> Mi neli naha yetuna luli, naha yetuna luli ka nako yani, kufitela i nata lifasi, mi lifasi kaufela ne li lifa mali. Ne una ni zwelopili ku za sayansi, mi ne una ni lika zenca zeo sayansi neikona ku tisa. Ne una ni makoloi amanca, aezizwe ka bunce luli, lilwaniso zende luli, ni lisipi zende hande. Neli nto ye ipitezi kwa lifasi kaufela.

<sup>12</sup> Mi cwale mwahala mamota aa, koo Mulena Belteshazare neli yena mulena ka nako ya kezahalo yee yeluswe kuambola busihu boo. Mulena Belteshazare, yo Bibebe ibulela kuli, “Nebukadinezare, yanali yena ndatahe,” kono kaniti neli bo kuku a hae ba na yolile, Mulena Nebukadinezare.

<sup>13</sup> Mi buñata bwa mina mwa hupula kuli Nebukadinezare neli yena makalelo a mibuso ya Bamacaba, yona toho ya gauda. Mi naile kwa Jerusalem, limaili zeñata, kwahule hule, mi na i lo hapa Majuda ni kubatisa mwa mubuso wa hae, ni ku baeza batanga, mi ne ba itusisa batu ba sayansi babona ni zeñwi cwalo.

<sup>14</sup> Inge fela mo ne i ezelize Russia hane ikeni mwa Germany. Mi ki kabakaleo habana ni ndalamiti ya atomic, ni zeñwi cwalo, bana ni ba sayansi ba si German bani. Kona ha ba talifezi mukwazo kacenu, ne ba ba hapile ni ku ba beya kulo mwani. Bona kasibili, ne ba sina zona, kono ne baile ku yo nga lika zani inge fela Nebukadinezare mwa na ezelize Majuda.

<sup>15</sup> Mi lu fumana kuli, ka nako ye, neku na ni muuna ya lukile wa libizo la Daniele, mupolofita wa Mulena, na ngilwe mwa butanga ka nako yani. Na belekile sina mulena fahalimwa babali ba linaleli bani kaufela, ni zeñwi cwalo, ni baana baba butalini Baituti ba linaleli, mwa puso ya Mulena Nebukadinezare.

<sup>16</sup> Mi cwale Belteshazare na komile. Belteshazare neli muuna ya maswe ya situhu. Na sina fela taba.

<sup>17</sup> Mi cwale sicaba sa Babilona kaufela, ni silelezo ye cwalo sina mo ne ba utwezi! Ha se ukeni mwahali mwani, mi minyako ikwalilwe, ni mamota a eza liñokolwa ze mwanda, liñokolwa ze eite mwa bukima, munahane fela mo ne bautwezi kusilelezwa mwa mamota ani!

<sup>18</sup> Kono muhupule fela se. Hakuna taba kamba sayansi i ku bulukile cwani mwa silelezo yeo, Mulimu uka ku fumana ha ueza sibi! Kuna ni fela silelezo iliñwi, mi yeo i ku Krete Jesu.

<sup>19</sup> Cwale, sina mo ne ba utwela butokwa bwabona bobutuna ka kuba naha ye ne busa lifasi, neli zwelopili luli, ye ipitezi ya kacenu yeswana fela sina ye lupila kuyona, yona America yende ye. Mi Ni lyangani nyana, nina kasibili, kono Ni saba kuli lunga mubonelo o swana one ba bile ni ona. O lu utwa kuli kakuli luna ni zeo, ze lu nahana, ba sayansi babande hahulu, ni litobolo

zende zetuna, ni mabomba a atomic, ni lifulai zefufa ka lubilo luli, mi luna ni mufuta. . . Kakuba naha ye etelezi ya lifasi, lu utwa kuba ni silelezo kusina Mulimu.

<sup>20</sup> Ki mukwa o munde luli. Mi Mulimu ha cinci. Mubonelo wa hae ka sibi u sa swana ni kacenu sina mo ne kuinezi ka nako yani. Mi hakuna sibaka sa kuipata kwanu. Konji fela ku Kreste kona mo u ba ya silelelizwe.

<sup>21</sup> Mi ona mwa munzi tuna wo, sina ha ne bautwa kuli nekusina mukwa usli, mwa lifasi, kuli mpi ikone ku kenelela muleneñi wani. Mamota amatuna, mi amatelele, ni libyana zabona zenca, mi ne ba kwalezwi kwande a lifasi. Kono ne ba sa zibi kuli naha ye lunya ye ne bizwa ma Mede ni ma Peresia, bao cwale babali ma Hindu ba kwa India, mane ne ba sa zibi kuli limaili zeñata kwahule ne ba kata mukokolombwa wa mezi, kuli ba sikulule Nuka ya Euphrates, kuli ba fite mwatasi a mamota. Ha ne ba utwa kuli ne ba iketile! Nako kaufela ha ne ba utwa cwalo. Haiba ne ba utwa cwalo, kipeto ne ba kena mwa sibi.

<sup>22</sup> Ku bonahala inge kuli mutu ha fita fa sibaka sa i kutwa kuli u na ni zatokwa kaufela, kipeto sibi sikala ku mu swala. Keleke, naha, kamba mutu, ya ikutwa kuli ha tokwi tuso ni yekana yezwa kusili, sibi si kala ku busa ku yena. Yeo ki niti. Mi lwa lemuha, hape, kuli batu ha ba kala kuikutwa maikuto a buhulu ani, hañata ki sibi se si ba kenezi mi sa ba sinye inge kansa.

<sup>23</sup> Kacwalo hane ba kwalile minyako yani, ne ba hupula kuli ne ba iketile. Kono Mulimu utalima fafasi kuzwa kwa Lihalimu! “Mi sibi sitiseza macaba maswabi.”

<sup>24</sup> Hani zibi, busihu boo, ni libyana zaluna zetuna kaufela, ni limota za lindalamiti zezamaya mwatasa mawate, ni lifulai zaluna za majeti ze fufa limaili zeñata fa muzuzu nyana, kuli mane, kamba, fa muzuzu, zekona kufitelela neba mulumo wa zona. Kono, musike mwa libala kuli libi za mina li ka mi fumana!

<sup>25</sup> Mi, mwa nako ye, ne ba kwalanga minyako. Mi ne ba hupula kuli ne ba ka kona, ne ba ka pila fela mwa kuhohana mo ne ba batela, kakuli ne ba silelelizwe. Nebali naha ye ne zamaisa, linaha zeñwi kaufela ne li talimela ku bona kwa sayansi ni kwa—kwa tuso yabona.

<sup>26</sup> Mi kacwalo, fa nako ya kuli, nekuna ni. . . Mulena yoo na hupula kuli na kaba ni nako yende ya kuitabisa. Mi atoma lizazi la na ka ba ni mukiti omutuna wa kubina, kamba, sina ha Ni kona kubulela kuli, ki rock-ni-roll ya kacenu; hakuna zeñata ku yona. Mi kacwalo a keta nako, mi ki ha mema licaziba kaufela, masole kaufela ni bo kapitao, ni bo bafumahali kaufe ni bo nalutiyo ba hae.

<sup>27</sup> Cwale, nalutiyo ki lihule fela le li zibahala. Mi kana mwa bona, mutu ha ikutwa kulikana, kuli ukala kutapwita mwa sibi?

28 Mi abiza ba macwala akola hahulu a na kona kufumana, kwa mukiti tuna wo wa rock-ni-roll wa na kaba ni ona. Na hupula kuli uiketile. Na hupula kuli nekusina sene si ka mu holofaza, kakuli nali ya iketile. Mi nana ni iliñwi ya linyawe lelituna mwa masimu ani kwa mulaho fela wa muleneñi. Mi ana sa li kwani mwa simu, mwendi ne ba li kabisize hande kaufela, bwanda bo bubenya kaufela inge bulepelela, mi aba ni basizana kaufela ba kubonisa ni buñata bwa basali bwa taha ku to tabisa masole. Ni bucwala bwa bona ni ma waine! Haiba seo ha ki siyemo sesinde sa kacenu sa mikita ya rock-ni-roll kacenu, Hani zibi ko kukona kuba yeñwi. Yeo ki niti. Mi ba lukisa lika kaufela, mi ne ba kaba ni nako yende.

29 Mi hakuna ku kakanya kono basali babañata babanyezwi ba taha. Baana ba bona ne ba siyezi kwa mandu inge ba babalela limbututu, haili basali bona ne baile kwa kuba ni nako yende. Ni kushutanisa cwalo, hakuna ku kakanya me na yemelezi fela inza ya kwa ni kwa, ni mbututu ya kula, kanti muuna ya kozwi na i lo ba ni nako ya kuitabisa. Ki alimuñwi fela ku baba silezi, ni licika la baba twelufu hape.

30 Mi Na ba bona hane ha ba kala kunwa ni kuba ni nako yende. Mi Na nahana fela kuli ne ba lizize lingoma mwa niti, mi ba liza lipina za ngana. Mi banana inge basweli ku potoloha ka kubapala. Mi hali masole, bakozwi, ba kanjimbwa basali ni ku ba cikisa fahalimwa litho zabona, ni ku batubeta ni kuina ni bona mwa lipula, ni ku luluweza lilata. Ba nahana kuli ne ba iketile!

31 Oh, America, Mulimu ya na talimezi mukiti wa macwala wani, mukiti wa rock-ni-roll, u ku talimezi ni kacenu!

32 Mi ha ki nako ni yeo yene ba lukela kuba ni yona! Mi Na kona kunahana taba ye fa mulena, Belteshazare, neli Elvis Presley wa kacenu, na ezize lipalali zeñata za hae zene ba nani kaufela. Mi ni ku tundana kwabona kaufela, mi kusina kuziba, ka nako kaufela, kuli lifu ne li ba yemezi mwa munyako!

33 Kacwalo, mukiti ha u yo kena mwa butungi, hañata kuswana inge mo inezi Hollywood ya kacenu, ne ba hupula kuli ne ba ka ba ni lisheha nyana la bulapeli; inge ba apezi mwa liapalo zeswana sina za Arthur Godfrey, kamba nto yecwalo ku za kacenu, kamba mutinelu wa Ernie Ford, ya na ka ba ni lisheha cwalo ka za mukutazi. Kono Mulimu u sa talimezi fafasi kuzwa kwa Lihalimu! Kono ne ba hupula kuli neba pila mwa naha ya kuli ne ba sisike ba swaliwa. Kono u kutula seo si cala!

34 Mu zibe fela ona cwalo, sicaba. Kamba u naha, kamba u keleke, kamba unosi, u ka kutula so cala!

35 Mi, kiñi, Na bona mulena yo ha yema, mi ali, “Fa muzuzu fela, basizana, ha lubeñi ni lisheha nyana ku mukutazi,” kamba zeñwi cwalo.

36 Ni bwanda bo bu kabisizwe hande inge bu pepela ni likalibe lieza kuli, “Whoopee! Ehe, Ni lumela kuli lu tabela ku utwa cwalo.”

37 Mi masole ba sanana bazwelapili inge babanca ba kacenu, kakuli ye ha i shutani kwa Babilona ya cwale! Ni mu American, kono kona mwa na bezi ni Daniele kwa Babilona ka nako yani. Kono zeo halina buinyazo kwa sibi!

Ne ni kile na bulelela musizana nako yeñwi kuli, “Kana u Mukreste?”

Ki hali, “Ni kufa kuli u utwisise, Ni mu American.”

Se ni, “Zeo ha li buleli sika.” Batili sha!

38 Ni tabile kuba mu American, kono seo hasina sa kueza kuli si bonahalise Bukreste; ha ki sika. Haiba lueza sibi, luka lifa ka libi za luna, kihande fela mu zibe ona cwalo.

39 Neba na ni mupolofita kwani, kono ne ba si ka teezeza. Nebana ni Liñusa, kono ne ba bata ku Li bona bukuba.

40 Haiba nji yani ha ki America ya kacenu, Hani zibi cwalo. Bana ni Evangeli, yona Niti, kono ba tabela ku I soma ka lisheha.

41 Kacwalo se bali, “Ha lu yen i lu yo nga lipiza bza bapikuluhi baba kenile zani, ni kubatisa kwanu ni kuba ni lisheha lelinde ka zona.”

42 Mulimu ha lumelezangi baezalibi kuli ba keshebise sicaba sa Hae! Mu ka lifa ka zona, zazi leliñwi.

43 Mi ba yo nga libyana za Mulena, ni ku li tisa mwa tempele, mi ba ka nwela macwala mwa lipiza za Mulena. Mi ha ba sela bucwala bwabona bwa Oertel’s 92 kamba Pabst Blue Ribbon, mwateni, kuli babe ni lisheha ka zona, oh, ba ngubana likomoki za magilasi ni lipizana, ni kukala kunwa, ni kuseha ni kubona bukuba bulapeli bwa Mulena. Nebali litimbi kusina kuziba ze ne ba eza.

44 Mi kona ni naha ye mo iinezi, busihu boo, ha ba zibi kuli basweli kuhana Liñusa la Mulena Jesu, mwa kolobezo ya Moya o Kenile, ni kupepwa sinca.

45 Ni ha ne bali ba bulapeli, cwale, mukiti wa kukolwa wani wa rock-ni-roll, ne bali ba bulapeli, kakuli Bibebe ibulezi kuli, “Ne ba lumba balimu ba bona.”

46 Kona kuli wakona kuba wa bulapeli maswe cwalo, kono inze u li ya latehile! Yeo ki niti. Ha ki busepahli. “Kuna ni nzila ye bonahala kuluka ku mutu, kono mafefezezo a yona ki nzila ya lifu.” Kacwalo nebana ni keleke yetuna, ni bulapeli bo ne bakona ku sebeleza, mi ba bona bukuba ka lika ze kenile za Mulimu.

47 Mi zeo za zamaelela hande ni kacenu, kueza lisheha ka lika ze kenile za Mulimu. Ba biza sicaba, baba lika kupila ka kukena ni ka likute, ni ka kuluka, baba biza kuli “ba sialezi” kamba “ki bapikuluhi babakenile,” kamba libizo leliñwi cwalo le li maswe.

Mi ba biza limpo za Mulena, Za sweli ku eza, “Musebezi wa moya o masila, sina mulauli kamba diabulosi.” Oh, ukona cwani kusaba katulo? Mali a ba bulaiwa aswe alila ka zona! Haiba Mulimu ha atuli naha ye ka sibi sa yona sa kacenu, Uka ba ni ku zusa Sodoma ni Gomora, ni kukupa swalelo ku bona ka ku ba bulaya. Yeo ki niti. Lu tamehile kuya kwa katulo! Mi ona limakazo zetuna ze mubona za sweli kuezwa Mupulusi waluna ya fuyozwi, ki lisupo za temuso, katulo yani i fakaufi; mi ikatalize naha ye kuzwa neku leliñwi, kuzwa kwa Upa kuya kwa Wiko, kuzwa kwa Mutulo kuisa kwa Mboela. Mi ba Li sinye, ba Li seha, ku Li keshebisa, ba Li ñola mwa mitende yabona kuli “bukuba.” Mu nahane ka zona, Babilona wa cwale!

<sup>48</sup> Cwale ha ne basweli kunwa cwalo, inge ba nataka likomoki za kunwela; mi hañi hañi fela, mushimani yo mubapali wa mafilimu, wa libizo la Belteshazare, nali bukaufi ni kuli anwele mwa komoki ya hae, meto a hae na bonahala ku lutuka ni kuzwela fande, hana li afetuhe atalime kwa muyaho, kakuli na boni, kuzwa kwa Lihalimu, lizoho la Muuna, mi se Likala kuñola inge li pahama ni kutuluka fa limota.

<sup>49</sup> Ni bata kuli mulemuhe, Ne li ñozi fa bulilo bwa fa limota. Cwale, mwendi likandela ne li zwile mwa likapa la zona, kone basweli kuzila lipina za bona za rock-ni-roll, mi maseli na monyeha fa limota. Mulimu ha ezangi lika mwa lilulu!

Zeo liteñi mwa maseli, koo Mulimu abulela ni ku zamaya. Kacwalo muñolo wa Hae wa bumulimu no li fa bulilo bwa fa limota, fapila bona kaufela.

<sup>50</sup> Mi mulena na swanela ku libona pili, yena mubapali wa kacenu yo wa lisheha, mutu yomunde wa lisheha fa silimba, mubapali wa fa televishini. Ha na yenduza gilasi, kuli anwe, kamba komoki, sa na sweli mwa mazoho, meto a hae a lutuka, mi a ikutwa kunyungana. Ni nahana kuli naezeze cwalo. Bibebe ibulezi kuli, “Masapo a hae a kuña, azwa mwa lingongo.” Luli na sabile maswe, kaniti luli. Mulimu ha kala kubonisa lisupo za Hae, ki nako ya ku njanja. Yeo ki niti. Mi ha na sa lemuhila, lipina za hae za rock-ni-roll za mu nyunga.

<sup>51</sup> Mi cwale ha na sa mwentukile muñolo fa limota cwalo, Na nahana fela likalibe bo nalutiyo ba hae ba milomo ye pentilwe inge sikamañi se Ni sa zibi, ni milimi ya musali ya tala fela bwanda bo ne bu kabisizwe, inge bu hasana mwa sibaka, ni bona masole ba macakolwa bani, ali, “Ha ni zibi butata bo bu li ni mushimani busihu boo?” inge asweli kunjikula.

<sup>52</sup> Mi mucaha yomuñwi a mu swala, mi ali, “Ku lukile, ha lu bineñi yeñwi ye hamoho.” Mi lipina za kuza.

<sup>53</sup> Oh, yona naha yetezi sibi ye, nako yeñwi bo rock-ni-roll ba hao ba ka kuza! Haiba hauna kuteeleza kwa linzwi la mukutazi, uka teeleeza kwa lizoho la Mulimu mwa katulo zazi leliñwi. Kono rock-ni-roll ika kuza, ka kuswana fela sina balizi mo ne ba

kuzelize, ni kuliza kuli *Nibe Fakaufi Ni Mulimu Ku Wena*, fa sisepe sa Titanic. Zazi leliñwi u ka cinca munembo wani.

<sup>54</sup> Mi lipina za tuhela. Mi ba lemuha mulizi wa lipina, muika wabona—wabona wa fa televishini, mi, na yemi fani, mañwele a hae a nata hamoho, hana talima ni kubona taba tuna ye inga sibaka. “Kiñi,” ki hali, “mamota kaufela kwalilwe kwa matuko. Ni beile balibeleli baka ba yemi fa munyako, muuna ye ni sepile luli.”

<sup>55</sup> Kono, mwa bona, Mulimu ha lukeli kutaha ka kuitusisa munyako, ka mo mu nahanela. U zwelelanga kwa Kanya! Mi lizoho la Hae ne li ñola fa limota.

<sup>56</sup> Mi kapili, kakuba mwa sibaka inge sa kacenu, Bibeile ili a biza balauli kaufela, baituti ba linaleli, ma bishopu kaufela, madokota, ni mapopu, ni baika ba za bulapeli, ni zeñwi cwalo. Mi ali, “Cwale Ni ka mi bulelela mitangana, Ni mi file kolo ya ku kutaza ni kueza zemubata kueza. Cwale amu ni tolokele, Zani fa limota.”

<sup>57</sup> Kono sina mo ne liinezi nako yani, kona mo ku sa inezi ni cwale, ne ba si ka twaleza kubona za buipiteli. Hakuna zene ba ziba ka Zona. Ne ba sa zibi mwa ku tolokela malimi asili. Nekusina sene ba ziba ka mushobo wa Lihalimu. Mi ne ba kakamalile. Hakuna ze ne baziba ka Ona. Mi ha ne ba yemi fani cwalo . . .

<sup>58</sup> Muhupule, skwa ki kutisa makalelo a mubuso wa Bamacaba. Mi hane li tile mwatasa susumezo cwalo, li ka ya mwatasa susumezo hape.

<sup>59</sup> Kono mabishopu ba ni baika ba za bulapeli, ni madokota babatuna, ne ba sa koni kutoloka za buipiteli. Ne ba sa zibi sika ka Zona. Ba alunguta mwa likuka zabona kaufela za lituto, mi hakuna ze ne ba fumani ze ne konile kubanywa ku Sona. Mwa bona, lika za moya li utwisiseha ka moya. Mi cwale kaufela bona ba komoka, mi ne ba sa zibi za kueza.

<sup>60</sup> Mi, mafelelezo, mulena wa musali yomunyinyani. Muhupule, na si yo kwa mukiti wa rock-ni-roll. Mi nzila fela inosi yana ziba kuli sesiñwi ne si ezahala, linzwi la taha ku yena kuli mulena na mbomokile, mi mukiti no yemi. Na ka ba alimuñwi wa balumeli babande. Mi, ka mukwa o muñwi cwalo, ki yena ya na si ka libala.

<sup>61</sup> A matela mwa mukiti. Mi ha yo bona mubapali wa lisheha wa kacenu inza injanjakela, ni balizi ba hae kaufela, ki hali, “O mulena, pila kamita!” Kono na sa zibi kuli na sa shwile ona fani. Ali, “Upile kamita! Ni ziba kuli kaufela mina mu bilaezwa ki muñolo o fa limota wani. Mi Na bona pope, ni mabishopu ni baika, ni ma dokota ba zabalapeli, mi hakuna neba alimuñwi wabona yakona ku U bala. Kono, O, mulena, tuhela ni ku bulelele nto yeñwi! Kuna ni muuna mwa mubuso wa hao, ya ziba za buipiteli.”



62 Oh, muzwale, ha lu bona muñolo fa limota, kacenu, kono kuna ni Muuna ya ziba ka zona. Mwendi ubile u keni mwa ofisi ya dokota kaufela mwa tolopo, mi ba ku bulelezi kuli, “U lukela kushwa.” Kono kuna ni Muuna! Wakona ku ba ya capwaezi mwa sibi kufitela moyo wa hao ufetuha bunsu sina musili wa mamota a lihele, mi u itukisize ku ipulaya, kusina sepo. Kono kuna ni Muuna, mi Libizo la Hae ki Jesu! Wa ziba za buipiteli. Mi U mwa Mubuso wa luna, kakuli lu bana ba Mubuso wa Hae. Kuna ni Muuna!

63 Ali, “U ziba za buipiteli, kakuli myaha yefitile ne ba fumani Moya wa Mulimu ku yena. Mi nana ni Moya o munde. Na kona kutoloka litolo, na bona lipono, mi yeñwi ni yeñwi ya zona neili fela ye lukile hande. Kacwalo, usike wa bilaela, ni fe fela mizuzu yelikani mi Ni ka mutisa kwanu.”

64 Ku kaba lizazi li liliñwi le u ka biza ku Yena! Hakulata hauna sibaka sa Hae mwa ndu ya hao. U patehile hahulu, kubuha mazimumwangala, kubapala makadi, kunwa macwala, kufumaneha mwa ma rock-ni-roll. Kono kuna ni nako iliñwi yo ka Mu biza! Yeo ki niti.

65 Mi kacwalo Daniele a tiswa. Mi ha na tisizwe mwatani. . . Neli mukutazi wa kuluka, muuna wa Mulimu! Ne ni sa zibi muuna wa Mulimu za na pilela mwa sibaka se si cwalo sani haiba na sa filikani ka zona. Kono, mwa bona, mulena na si ka iseza ngana ku Zona, kona libaka ha nali mwa buino bwa na li ku bona.

66 Mi se batisa Daniele, mi ki hali, “Kiñi ma pope ba hao ni ma dokota ha ba si ka ku tolokela?” Neba sina sa ku toloka ka sona.

67 Cwale ki sikamañi sene si ezahalile? Daniele ali, “Oh, Belteshazare, u ziba lika ze kaufela. Ha li si ka ku patwa ku wena.”

68 Mi Ni li kwa America! Ni lakaza kuli Ne ni ka li eza, ka ona muzuzu wo, kuli bautwe linzwi laka. Ha u si ka patelwa lika ze kaufela! Sina linaha za kale ha ne liezize sibi ni kueza se lu ezize, lu beilwe fa sikala, mi lufumanwi ku tokwa bukiti. Ki sikamañi sene si ezahalile kwa France? Kiñi ze ne ezahalile kwa Germany? Ki sikamañi sene si ezahalile kwa linaha zeñwi ze ne ile ka “veine, basali, ni linako zetuna”? Litahanga ona cwalo kamita, mi ha lu si ka ila katulo. Mulimu ki ya lukile.

69 Mi ki hali, “Ndata ho, Mulimu mwa na mu huliselize kuba naha yetuna, kono na libezi. Mi aeza lika zeswana zo sweli kueza, mi Mulimu amu fetula kuba sibatana sa naheñi.” Ali, “U ziba lika ze, kono kipeto unga libyana za Hae ze kenile ni ku li tampakanya ka masila.” Mulemuhe. Na ize, “Muñolo u beilwe fa limota, mi nako ye mubuso wa hao u balilwe.” Ka manzwi amañwi, “Talima kwanu, mulikani, mazazi a hao a balilwe! Mubuso wa hao u zusizwe ku wena ni kufiwa ku ba naha isili, mane ki naha ye situhu, ye sa zibi Mulimu,” ki iliñwi ye—ye

maswe sina bona mo ba inezi. Mulimu u ezanga kuli sibi si lwane. Na komoka, kacenu!

<sup>70</sup> Ka ona nako yeswana yani, halu boneñi Ni bulele pili, ha na yemi fani, inza talima Muñolo wani fa limota, kanti na sa zibi kuli mwahala minyako yani, ona mwani, balibeleli ne se ba bulailwe. Mi masole nebali mwa mikwakwa, banze ba bulaya balibeleli. Nebali fa mahatelo a malibela. Mi basali bani bali kuyema fani, kwahule ni limbututu zabona, kwahule ni baana ba bona, ni baana kuzwa kwa basali babona, kaufela bona ne ba nwa, inge ba teezeza kwa mubinelo wa kacenu ni ku za ku zwelapili. Mi masole nebali fa mahatelo, mwa mizuzu yelikani fela mulena na ka bulaiwa. Sikwata sa baana ba macacolwa bani kaufela ne si ka bulawa, ki naha ye taselizwe ki diabulosi. Mi basali ne ba tubuzi liapalo za bona mapunu fela, basizana babanyinyani ni babañwi kaufela, mi ba silafala mwa mikwakwa; mi ba nopiwa fela ki lingandi za mahutu, ni kupancakisa litohe zabona kwa mamota. Baba kankaula ni ku ba bapula bamano fela kuba ni bona mwa linyawe; masole ba lipulumuki, ba macacolwa! Ne li fa munyako, kakuli ne se ba pimilwe kale fa sikala, mi ba fumanwa kutokwa bukiti.

<sup>71</sup> Mi ha Ni zibi, kacenu, mwa litaba zaluna kaufela za kacenu, kuseha kaufela ni kubona bukuba kwa lisebelezo za foliso, inge ba seha ni kuseha Keleke ya Mulimu yapila, ni kuzwelapili sina Bibehe mo ibulelezi kuli kona mo ne ba ka ezeza, “Bainuneki, ba itumbaeti, baba na ni mubonahalelo wa bumulimu, kono ba latula Mata ateñi.”

<sup>72</sup> Ha ni zibi, mwa lizazi le ha lu nahana kuli lu silelelizwe hahulu, mi, hañihañi fela, lu fumana kuli Russia seili fapata aluna ka myaha ye ketalizoho, ku za sayansi.

<sup>73</sup> Lu bile kwa mikiti yemiñata hahulu. Lu capwaela hahulu mwa sibi. Keleke i lobezi hahulu ya butunya, haisana taba mwa mikopano ya kulapela ni hanyinyani. Habasana taba. Nibona, hape, kubeya linzwi le li lwanisa, Moya wa niti wa Mulimu yapila; habana kuba ni zona.

Bakeni hahulu mwa kopano, ye kabisizwe luli! Habana nako ya mikopano ya litapelo, bainzi fa mazimumwangala ni mikiti ya maswaniso, ni kuyembana kwa ni kwa mwa mielembo, ni kwa mikiti ya kubina ni lika zeñwi. Yeo ki niti!

<sup>74</sup> Zeo likona ku utwahala kuba za kale, kono kona ze itokwa naha kacenu. Kuna ni ku nyanyabeka hahulu kwa sisali ni Evangeli, ni masila a kutina kwa mazoho batu ha ba lwana. I na ni ku swaliwa ka mazoho asina zetiniwa kwa mazoho, ka Moya o Kenile. Ki Niti!

<sup>75</sup> Billy Graham naize, mwendi biki iliñwi kamba zepeli kwa mulaho, ku iliñwi ya mañusa a hae, naize, “Naha ye yakona kuba siponi kwa Russia, nako kaufela Russia fa latela.” Lu kai kana?

76 Mu ka leka lipina za Elvis Presley, ni kuina kwa ndu kuzwa kwa keleke ku yo utwa kuli *We Love Sucky*, leliñwi la mazazi aa! U beilwe fa sikala, mi ufumanwi bubebe! Kiñi ze ezahalile? Kuna ni muñolo fa limota!

77 Ma Russian ba beile siponi se bizwa sputnik ze lu sa koni kusikulula, limaili ze mianda ye ketalizoho kuzwa fafasi; mi bakona kubeya zesilezi zazona fahalimwa United States mwa mizuzu yetata ye mashumi amalalu, ni kubiza ni kubulela kuli, “Pwapwa, kamba lukaba fela libunda la mufuse mwa mizuzu yelikani.” Bakona kueza cwalo. Hakuna se lukona kueza kuli lu batuhelise. Li mwa mazoho a bona, ki babusi baba lata mali, ba ba situhu, baba sina bulapeli! Zeo kona za itusisanga Mulimu kuli sibi si tahe mwa liseli. Kaniti ki cona. Haiba muka bala Bibebe, Russia ina ni kueza cwalo kuya ka Sinulo. Ku lukile, mina baipapati ba baluti mwakona ku shutana ni Zeo, kono mulibelele fela kufitela ifela. Russia ibeilwe fa ka mulelo ona woo. Bibebe ibulezi cwalo.

78 Cwale ki ye fa ni sputnik. Lu likile ku kunupa iliñwi busihu bobuñwi, ne lu hupula kuli ne lu ka kona kueza cwalo sina mo ne ba ezelize; ya nanuha ka liñokolwa zetalu kuzwa fafasi, ni ku panca fela ka kushobota. Bakeñisa rock-ni-roll ni sibi! Lu beilwe fa sikala, mi lufumanwi kutokwa bukiti. Mulimu, ube ni makeke!

79 Lu ka eza sikamañi? Ki sikamañi se si ka ezahala haiba ba ka lumeleza liponi zani za sputnik mwahalimu mwani ni lindalamiti zeo, ni kubulela kuli, “Pwapwa, kamba kuba libunda la maluli mwa mizuzu ye ketalizoho”? Eeni sha, muso wa luna, kupilisa bupilo, no ka itoboha. Yeo kona nto fela ya kueza.

80 Cwale ki sikamañi sene si ka ezahala ku babañwi ba mina ma American, kaufela luna mo; isiñi mo, kono Ni talusa cwalo ka kubulela sina naha? Kubulela sina naha!

81 Mina baituti ba banyinyani, basizana mina mu mata mata ni mipende fa milomo inge palisa ye fubelu ye tubuzi; mi mu seha mukutazi ya li mwa lilulu, inge a kutaza Evangeli. Mi wena, mwanana yomunyinyani, ya nahana kuli una ni ngana ni butali kufita zibo ye zamaisa lika!

82 Ki sikamañi se si ka ezahala ku wena, ndate tuna, ya inzi kwa ndu busihu ni me mi u buha fela televishini, kanti junior yena u mwa nzila ye patehile hahulu, mi kezela hae yena u kwa sitebule sa lico kokuñwi, mi u ile kwa kubina za rock-ni-roll? Mi wena ubuha televishini, ni kuba ni lisheha ka Evangeli!

83 Ki sikamañi se si ka ezahala ku wena, membala wa keleke? Ki sikamañi se si ka ku ezahalela? Mwakona kuba ni libizo la mina mwa buka kaufela, ya keleke yetuna hahulu mwa muleneñi; kono kwanda kuli ube mwatasa silelezo ya Mali a Mulena Jesu, u ka shwa ni bona baba shwa, hakuna sepo ku wena.

84 Ki sikamañi se si ka ezahala? Kuna ni liuyi la sputnik mwahalimu mwani. Mi ki sikamañi sene si ka ezahala? Naha ne ika itoboha, eni sha, yeo kona nto inosi fela yeo muuso ukona kuezwa.

85 Mi cwale ki sikamañi se si ezahala? Simbayambaya mwa mulaho wa simbayambaya, se si tezi masole; simbayambaya mwa mulaho wa simbayambaya, ni lifulai; neika fita mwa naha ye. Basali neba ka silafazwa mwa linzila. Nemuka eza sikamañi? Ki za bona. Ku lelekwa mwa lapa la hao, ba ka yo hapa.

86 Ki sikamañi se si ka ezahala ku mina basizana babanyinyani, ni mina mitangana fela, ni mina kaufela ka nako yani? Sibi si na ku lifelwa! Hakuna taba kamba ki naha ifi mo siinzi, kamba kuli ki mañi, siba ona cwalo. Mutu ka buyena, kamba naha, i ka lifa bakeñisa zona! Ni sikwata sa bahali, babasina bumulumu, mitahali yetwaezi macwala abo kacasu, masole ba batalima za swalisano bakona kunga bafumahali ba mina ni ku ba sinye ka butanya, basizana ba mina babanyinyani. Mi ne mu ka yema ni ku tabela cwalo, hakuna se mukona kuezwa ka sona.

87 Kiñi zetisa cwalo? Kakuli mu teelize kwa litaba ze cwalo sina litukiso za fa mazimumwangala ka za rock-ni-roll ni sibi, mi mukutazi yomuñwi wa sihalihali ya sa koni kutoloka ze pahami. Muñolo u fa limota! Yeo ki niti! Mi lu beilwe fa sikala, mi lwa fumanwa kuli lu na ni bubebe.

88 Zeo ne li ka ezahala lili? Li si ka pazula kale kakusasana. Ki mañi ya ka li tibela? Mulike cwalo. Bibebe ibulezi kuli lika ezahala.

89 Kono haluboneñi ni mi bulelele, zeo halina kuswala Keleke ya Mulimu yapila, lu kabe lu ile ka nako yeo!

90 Kacwalo, mulikani, teezeza. Haiba taba yeo i sutelezi hahulu fakaufi, mi lubona muñolo fa limota, hakuna ze kona ku lituhelisa kwa kuezahala cwale.

91 America i kotalizwe, za buipiteli li ezahalile, mi ka tundamo bazwelapili kuhatikela fahalimwa Lona.

92 Muye kwa sibaka kokuñwi mi muswale mukopano wa ancafazo, teñi mube ni baba sikuluhezi kwa bupilo mwa sunda baba mashumi amane; ni kukuta ka lisunda ze silezi, hamusana ze ne. Lisa la kale se li omelezi ñoo. Mulimu fela una ni babañata Ba ketile. Mi cwale wa mafelelezo ha sa keni, zeo li kwala munyako mi kipeto ku felile.

93 Kipeto ha kusana ze siyezi kwanda katulo sishemo ha si hanilwe. Mi ki luna ba fa kwa mafelelezo a nzila.

Za buipiteli za ezahala, ba Li sehile ni ku libona bukuba. Mi nto ya mafelelezo, Mulimu utile mwa Mata a Hae Tota, ka Mwana Hae Tota ya Latwa, kuli abeleke mwa Keleke ya Hae, mi ba bulele kuli Ki “za moya,” kamba, “ki diabulosi.” Ki sikamañi

hape se si kona ku siyala kwanda katulo? Mi ki wo fa muñolo fa limota!

<sup>94</sup> Kono, haiba zeo li fa kaufi cwalo, mi muluti ufi kaufela uziba kuli Keleke ika ngelwa mwa Kuungelwa nyandiso yetuna i si ka ezahala kale. Kona kuli haiba zeo li sutelezi hahulu bukaufi, zakona kuezahala li si ka pazula kale, kucwani he kwa Kuungelwa? Seli bukaufi kufita foo! Oh, kufuyolwe Libizo la Mulena! Kutaha kwa Mulena ku sutelezi. Muñolo u ñozwi, mi u ñozwi mwa Bibebe, mi lupila kuli lu ubone.

<sup>95</sup> Kikuli muka eza cwalo, ka ku susuezwa ki linzwi laka, mu amuhele Jesu Krete yona hola ye? “Mubake, mi mu kolobezwe,” kubulela Pitrosi ali, “mañi ni mañi wa mina, ka Libizo la Jesu Krete, kwa swalelo ya libi, mi mu ka amuhela mpo ya Moya o Kenile; kakuli sepiso i ku mina, ni kwa bana ba mina, ni ku babali kwahule kaufela. Kakuli hakuna libizo lisili le li filwe mwatasa Lihalimu mwahala batu, leo mu lukela kupiliswa ka lona.” Kwanda kuli mube ba Krete! Wa kona kuba wa Methodist, Baptist, Pentekota, Nazarene, Katolika, u latehile kufitela uba wa Krete! Mi Krete utaha ha taha ku wena, ki Kupepwa sinca ka Moya o Kenile. Aku Mu amuhele busihu boo, halunze lu lapela.

<sup>96</sup> Ka litho za mina ze inami. Hani zibi fela se, ki babakai mwahali mo baba ziba kuli taba tuna ye ika ezahala? Wakona kuya kwa kulobala busihu boo ni musala hao, mi kakusasana u ka be aile. Wena, bondate ni boma, mwakona kutubeta limbumbu za mina ha li yo lobala, busihu boo, mi kamuso busihu mumbeta wa banana ufumaneha kuli u mukungulu. Mi mu ka matela mwa mukwakwa, kuli muzibise se si ezahalile ku musala Bo. Jones, mufumana fela kuli ni bona hape, baile. Kuungelwa ku sutelezi, Bibebe ifile taba yateni patalaza.

<sup>97</sup> Mi mwa mukopano mo, hamunze mu na ni kolo cwalo, sina fela baana ba—ba bunangu, ni basali ba bunangu, kiñi ha u sa tokomeli pizo yeo mwa pilu ya hao, ni kubulela kuli, “Mulena Mulimu, ni taze ka Bupilo Bobusafeli bwani.” Kakuli, haiba moya wa hao u sa li wa ngana fela ya butu, u yamehile kusitala mwa lifasi. Kono Moya wa Mulimu, o zwelela mwa Lihalimu, ha u taha mwa pilu ya hao mi u kufa Moya o Kenile, ku wena. Mi nyandiso ha i taha, Moya kwateni (Moya o Kenile) u kutela ku Mubupi wa Ona, mi u funduka ni Ona. Hakuna taba kamba u wa bulapeli cwani, hauna kuya konji haiba kuna ni sesiñwi mwahali mwani se si ka kunga.

<sup>98</sup> Ki babakai busihu bwa kacenu, ni litho za mina ze inami, fapila Liñusa le, mu ka nanula mazoho a mina ku Krete, ni kubulela kuli, “Mulimu, ni taze ka Moya o Kenile wa Hao. Mi haiba U taha, Ni bata kuya ni Wena”? Kana muka nanula mazoho a mina? Mulimu ami fuyole, mwa keleke kaufela.

Mane, ki mianda yemibeli, kamba kufitelela, mazoho ananuhezi mwahalimu.

<sup>99</sup> Mulikani wa muezalibi, haiba wali kuba u amuhele Kreste, kikuli uka lumela ka nako ye kunanula lizoho la hao, ni kubulela kuli, “Mulena Jesu, u ni utwele butuku”? Mulimu aku fuyole, kalibe. Mulimu aku fuyaule kwanu, wena kwa mulaho kafoo. Yomuñwi hape, “U ni hupule fela, Mulena.” Mulimu aku fuyole kwanu, fafasi fa. Mulena abe ni wena. “Uni hupule, O Mulena. Meto aka sa kwaluhile fela. Ni lemuha kuli mwendi Ni ipizize kuba Mukreste fa nako yetelele, kono ha Ni si ka ziba kale se si boizwa kupepwa sinca. Ha ni si ka amuhela kale Moya o Kenile.”

<sup>100</sup> “Kabakaleo, kwanda kuli mutu asepwe sinca, haana kukena mwa Mubuso, kamba mane hakoni neba kubona Mubuso.”

<sup>101</sup> Nanula lizoho la hao, ni kubulela kuli, “U ni utwele butuku, O Moya o Kenile. Mi muta U ta tahela Keleke, u to ninga”? Mulimu aku fuyole, kalibe. Kana kuna ni yomuñwi hape, “U ni hupule, O Mulimu.” Aku fuyole, muñaka. Mulimu aku fuyole, kalibe. “U ni hupule, O Mulimu.” Mulimu aku fuyole fa, mucaha tuwe. Mulimu aku fuyole kulo foo, kalibe. Kwa mulaho kafoo, kalibe yomunyinyani, kwa mulaho. Ni wena kwa mulaho kafo, kalibe. “Uni utwele butuku, O Mulimu, ha Ni bona muñolo kuli u fa limota. Ni nani ngana yeñata, uli, fa kubona ze bulezwi kuzwa mwa Bibebe, busihu boo, kuli kwa ki kukutela kwa litaba za kale.”

<sup>102</sup> Lu kwa mafelelezo. Hakuna se si kona kutusa. Sika se si ka sinyalifasi si mwa mazoho a mutu wa sibi.

<sup>103</sup> Kuna ni fela babalikani kihona. Wakona kuba wa mafelelezo ya na lukiselizwe kutaha ku Kreste. Kakuli ya ni wa mafelelezo ha sa tile, katulo i ka wa; ku sa siyezi nto iliñwi fela, yona nto yeo mwendi ki wena. Kikuli mu ka Mu amuhela busihu boo halunze lu libelela?

<sup>104</sup> Babañwi baba mashumi amabeli, mazoho a mashumi amalalu ananuhezi mwahalimu. Cwale haluna sibaka kwanu sa kubizeza sicaba kwapili, ili kutisa sicaba kwa pata kwanu, kakuli haluna sibaka ni se sikana. Kono Ni ka mi kupa, kaniti, oh, mu sepahale mi muteeleze kwa linzwi la temuso. Mube baba sepahala mi mukupe Kreste, ona fo muinzi foo, “Mulena, u ni utwele butuku, na nili muezalibi, na ku amuhela Ni si si ka silela kale kwabuse bwa lisila la sishemo. Ni si ka eza kale sibi ka lizazi la sishemo saka, ni utwele butuku, Mulena,” mi Uka eza cwalo.

Cwale mulapele sina cwalo ha Ni lapela ni mina.

<sup>105</sup> Mulena ya fuyozwi, lu yemi mwa buino bo bu sabisa busihu boo. Hanze lubala Linzwi la Hao, mi luziba kuli mane ka hola ifi kaufela mawayalesi akona ku zibisa, mi likwata sa baopeli ba rock-ni-roll li ka opela kuli *Nibe Fakaufi, Ni Mulimu Waka Ku Wena*, kono nako ikabe ifelile foo, katulo ikabe inatile kale. Lindalamiti li supile ku luna. Sinyeho, ka limaili ni limaili, ka

mingomo ni mingomo ya—ya litobolo ze bukiti zehasani lifasi, ni zeñwi cwalo, zekona kutumbula lifasi kaufela mulilo. Mi li mwa mazoho a mutu wa sibi. Mi Bibeledi ibulezi kuli cwalo kona mo li ka ezahalela. Mi lu bona muñolo fa limota.

<sup>106</sup> O Mulena Mulimu, Hani koni ni ikutwa kutaela fa kulika kutisa Liñusa sina le kwa sicaba. Mi Ni ikutwa kuba yo munyinyani maswe, ka kuyema fa, kulika kubulela tuto ye cwana, kono kikuli Uka ni swalela ka siemba saka sa ku sa kona kueza cwalo. Kono ka mukwa omuñwi, kuzwa mwa pilu yaka, Ni Ku kupa kuli u nwelise Liñusa, ka Mo ka batela kuli libe, likene mwa lipilu zabona, kakuli Ni bona kuli hola isutelezi. Mi ube ni makeke, Mulimu, mi upilise mutu kaufela, ni kuba taza ka Moya o Kenile. Mi babe bana ba Hao, ba tatilwe mwa bunde bwa Hao, ni kuamuhela silelezo yezwa ku Mulena Jesu.

<sup>107</sup> Kakuli, naha ya luna ha ina silelezo. Lu hupuzi kuli neli cwalo. Kona mo ne ba hupulezi ni ba Mubuso wa Babilona cwalo, kono, nako kaufela, nekuna ni naha ye maswe yene beleka. Mi ne kuna ni naha ye maswe yene beleka, kufitela cwale luziba kuli bainzi fapila luna, mi lu itingile fa sishemo sa bona.

<sup>108</sup> Mulena, Keleke i inzi fa sishemo sa Hao. Ba ka sinye; kono Wena U ka nga Keleke ya Hao. O Mulena, lu kenye mwa pabalelo ya Hao, busihu boo. Mi ulu fuyole ka bakala Jesu; mi ka Libizo la Hae lwa lapela. Amen.

<sup>109</sup> Ka bunolo fela, fa muzuzu. Mube ni likute.

Ka bunolo ni ka musa Jesu wa biza,  
U biza wena ni . . .

Halunze lu opela cwale, ha mu iceke.

. . . fa Munyako U libelezi mi wa tona,  
Ku libelela wena ni na.

Taha kwa hae. . . (Kakai? Taha ukambame,  
kambamela fahalimu kwanu.)

Mina baba katezi, mutahe kwa hae;

Ka musa, ka bunolo, Jesu wa biza,

Ubiza, Wena muezalibi, taha kwa hae!

[Muzwale Branham wa ñuñuna *Kabunolo ni ka Musa—Mu.*]

<sup>110</sup> Oh, kana haina kuba nako yende kuli liezahale cwale! Oh, ku lukile, ka nako kaufela U itukisize. Amen! Ni tabile hahulu ku Mu ziba. Ni tabile hahulu kuli mubili o katezi wo, o sweli kunyana fahalimu fa, uka cinciwa mwa nako nyana ya kukobya kwa liito. Ni ka kutela kwa bucha hape, kuli ni pile kamita.

Ba supali ba kaba banana kwani kuyakuile,

Kufetulwa mwa nako nyana;

Kusina ku shwa, ba ka yo yema mwa kuswana  
kwa Hae,

Ba ka benya kufita lizazi ni linaleli.

Ha ki kolo ni yeo! Musike mwa Mu hana.

Oh, mu ka bata cwani kuli Yena abulele kuli,  
“U ezize hande,”

Ka Lizazi la Kuyakuile lani!

Usike wa zwise Mupulusi Yomunde mwa pilu  
ya hao,

Usike wa Mu hana. (Bo kwateni haibe busihu.)

<sup>111</sup> Ki ba bakai baba Mu lata ka lipilu za mina kaufela, mi munitukisize haiba A taha? Oh, haki buitumelo ni boo! Kana ha mu ikutwi kuli mu kwakuhile cwale, mwahali? Evangeli, lu tapile ka mezi a Linzwi. Mu sutelele fela ya li bukau fi ni mina, mi mu swalane mwa mazoho ni yomuñwi, muli, “Mulimu ami fuyole. Ni ikutwa fela hande luli. Mulimu aku fuyole, muzamai. Mulimu aku fuyole, kezeli, muzwale.” Lu batu baba icambaela fela mwa mukwakwa.

Ni zamaya mwa nzila yende ya kale,

Ni bulela kaufela ko Ni ya,

Ni tabela kuba Mukreste wa mufuta wa kale,

Mulena,

Kufita sika kaufela se Ni ziba.

<sup>112</sup> Cwale halunze luli mwa nako ye ya likute, Ni lumela kuli seli busihu nyana fela kuli lu bize mukoloko wa tapelo. Halu . . . Ni lumela kuli Moya o Kenile utabile hande, ka yona nombolo yetuna ye taha ku Kreste. Cwale mu ipumanele keleke kapili, mu kolobezwe mi mukale kuyanga kwa keleke yeo, ibe keleke yetezi Moya hande, mi usiyale ona koo ha unzo pila.

<sup>113</sup> Ki misebezi mañi ya na sepisize Kreste kuli Uka eza? Na ize, “Misebezi ye Ni eza, muka i eza ni mina.” Mi, Pata ya Hae iteni mo. Konakuli, Na ziba, balikani. Na—Na ziba, kusina neba ku kakanya, kuli Jesu uteni mo. Kuna ni Muuna fa, Ki yena Muuna ya swana yana zamaile kwa Galilea. Ki Muuna ya swana yana ku liuluzi ka Mali a Hae, ni kuku folisa ka miupa ya Hae. Mi Uteni mo kuli aeze lika kaufela za Na ezize, kakuli Ki Mulena Jesu yaswana.

<sup>114</sup> Cwale halu lapeleni fa nako nyana fela, ka kukuza. Mube fela mwa tapelo hanze Ni lika kuswala mulelo wa Moya o Kenile.

<sup>115</sup> Cwale, yona pina yende yani, ka mo sicaba mwa butuku busihu cwana sitabela ku utwa cwalo! Batu baba inzi mwa lipula mo muinzi busihu boo, baba utwile Evangeli, mi ba se batimezi, ba mwa butuku busihu cwana, mo ne ba latela kuli kambe bainzi mwa lipula zeo mo muinzi mo; kono se baile cwale kufelile cwale.

<sup>116</sup> Mulena, Wena Ya ezize Lihalimu ni lifasi, Wena Ya lumile Mulena Jesu ya fuyozwi fa fa lifasi; mi ku Yena neku na ni mutalelela wa Moya. Mi U bulezi kuli, ka milomo ya Hae kuli, “Kina Kota, mina mu mitai. Kota haibeyi miselo ka yona Inosi, kono mitai kona ye beya muselo.” Na lapela, Mulimu, kuli U



Iponahaze luli busihu boo, mwahala luna, kuli sicaba se si zibe kuli Liñusa le li kutalizwe cwanofu fela fa, li zwa ku Wena, kuli U lu lemusa kuli lu itukiseze, mi mazazi a maungulo sa sutelezi.

117 Kwa kona kuba batu babakula babali mo, Mulena. Bafe susuezo, kuli bakone kufoliswa, kakuli lu kupa ze kwa kanya ya Mulimu. Cwale, Mulena, halunze luipa ili luna ku Wena, sina Keleke ya Mulimu yapila; ka kubona, Na sepa, lizoho kaufela mwahali mo li nanuhile. Mi Ni ka Ku kupa, busihu boo, Mulena, kuli ulu ezeze nto yeñwi yende. Mi upete hande kuli sicaba se sikone kuipa ili sona mwa nzila yakuli Moya o Kenile u zamaye ku bona, ni tumelo ye cwalo, ni kuli Ni kone kuipa ili na ku Wena, mi ni kuli U beleke ka limpo za Hao ni ku iponahaza ili Wena mwahala luna; kuli, kwa kona kuba baenyi mwahala luna. Lwa kupa ka Libizo la Jesu. Amen.

118 [Hakuna manzwi fa tepu—Mu.]...kakuli U bonisanga sishemo pili ku si ka ba kale katulo. Ni ka kupa fela bakutazi kuli baine ona foo, mi balapele. Halu lapeleñi.

119 Mi cwale, sihulu, Ni bile ni kutaza, mi Ni—Ni ka kupa fela mwendi mina sicaba kwanu kwa pata, kamba kaufela ko muinzi, mukale fela kubulela se. Biblele ibulela kuli, “Ki yena Muprisita Yomutuna yakona ku swaliwa ka maikuto a matuku a luna.” Kihande, he, haiba ki Yena Muprisita Yomutuna yanali maabani, Ki ya swana ni kacenu; kona kuli muezezo wa Hae o swana wa Na ezize maabani, Uka eza kacenu haiba Wa swana. Kana ku cwalo? Kacwalo haiba Wakona ku swaliwa cwale, aku Mu swale ka maikuto a matuku a hao, mi A ku bulelise.

120 Munahane fela, ha Na yemi mwahala sicaba cwalo zazi leliñwi le, neku na ni muuna yana tile, abiza Pitrosi, kamba libizo la hae neli Simoni. Mi ki Hali, “Libizo la hao ki wena Simoni. U mwana Jonasi. Kono, kuzwa cwale kuya kwapili, u ka bizwa kuli Pitrosi.” Na ti lo ba mañi? Muapositola ya latwa.

121 Mi Filipi ha na fumani Natanaele, mi a taha, A bulela kuli, “Amubone mu Isilaele wa niti ye kusina bupumi ku yena,” ka manzwi amañwi, “ki Mukreste, mutu ya sepahala.”

Ali, “U ni zibile cwani, Muluti?”

122 Ali, “Mane Filipi asi ka ku biza kale, u sa li mwatasa kota, Ni kuboni.”

123 Musali wa butuku bwa mweya ataha. A talima mwa sicaba.

124 Ne ba hupula kuli misebezi ya Hae neli ya diabulosi, mi se bali mwa pilu ya bona, “Ki yena Baalezebubi.” Mi A lemuha milelo ya bona. Kana ku cwalo?

125 Ki hali, “Hakuna se ni eza konji kuli Ndate a Ni bonise pili. Mi misebezi ye Ni eza, muka ieza ni mina.” Kacwalo U lukela kuba cwalo, haiba A beleka mwa Keleke ya Hae, kakuli leo ki Linzwi la Hae.

<sup>126</sup> Cwale Ni bata ku mi buza. Haiba mwahala sicaba se, mwendi batu bababeli kamba babalalu, yena Mulena uka lumeleza kuli babe ni tumelo yeñata ye ka swala sapalo sa Hae, mi Uka kuta mwa Moya wa Hae ni kueza ona cwalo fela sina mwa Na ezelize ha Nali fa lifasi faa, kikuli mina kaufela mu ka tabela ku Mu amuhela kuba mufolisi wa mina? Kana muka eza cwalo? Muli, “Amen,” haiba mwa kona. [Kopano ili, “Amen.”—Mu.] Mi A lumeleze cwalo, kona tapelo yaka. Cwale haiba mu lapela fela. Mi haiba muka. . .

<sup>127</sup> Ki batu babakai babakula mwahali mo baba bata kufoliswa, munanule mazoho a mina. Kai ni kai, ku lukile, batu babakula ba bata kufoliswa.

<sup>128</sup> Cwale, haiba kuna ni mutu mwa muyaho mo yo Ni. . . Ni sa zibi ku be Ni talima.

<sup>129</sup> Ni sepa kuli yo ki Rosella yainzi fa, musizana yomunyinyani yanali cakolwa, yana bizizwe mwa mukopano kokuñwi, neli cakolwa ya tezi, mane madokota ne ba mu supile munwana. Yena, ha na bizizwe ki Mulena, musizana wa ziba kuli Nali kuba ni mubone fateni kamba ku mu ziba. Mi Mulena amu bulelela ka za bupilo bwa hae kaufela ni buino bwa hae, mi amu bulelela kuli u ka ba hande. Mi ki yo fa busihu boo, mupuzo wa sishemo sa Mulimu. Cakolwa ya kwanile, kuli mane konji dokota mwa mulaho wa dokota kaufela ku mu palelwa, neba Macwala ateni neli Kukopanya kopanya. Na mu ziba.

<sup>130</sup> Kono, konohe, Ni ziba hande kuli muzwale yo yasweli ku ni talima, yainzi fa ni suti ye seta, ki yena muzwale ya lu tisezanga lipalisa. Ni lumela kuli yeo ki niti. Hani—Hani sa hupula libizo la hae cwale. Na li kwandu ya ka ha ki kale hahulu, ni Muzwale Boze; Shultz, Muzwale Shultz.

<sup>131</sup> Kwanda sani, Na hupula kuli Ni boni Muzwale Fred Sothmann fa nako nyana fela yefitile, kokuñwi mwa muyaho, kono Ni libezi kuli neli kai cwale. Konohe, nali teni, uteni mo kokuñwi.

<sup>132</sup> Mi Ha—Ha ni zibi usili hape. Kono Mulimu wa mi ziba mina kaufela. Haiba mu ka lapela fela ni kukupa Mulimu, kulika tumelo ya mina.

<sup>133</sup> Mi cwale ku tokwe mutu ya ka zamaya zamaya cwale. Mube baba iketile hande ka mizuzu yelikani. Cwale, *Lumela Feela*, haiba mukona. Mi ka likute fela mo mu konela mwa mizuzu yelikani, ni kuina fela ka kukuza.

<sup>134</sup> Munahane fela, Krete na sepisize cwalo. “Fa nako nyana, mi lifasi halina ku Ni bona hape; kono mina mu ka Ni bona, kakuli Na. . .” (“Na,” isiñi usili. *Na* ki tulokandina twa mutu.) “. . . Ni kaba ni mina kuisa kwa mafelelezo a lifasi. Lika ze Ni eza, mu ka li eza, ni mina.” “Jesu Krete wa swana maabani, kacenu, ni kuyakuile.” Kana ki niti yeo? I lukela kuba ya niti.

135 Kihande, Ni itumela hahulu ku Mulena. Ne nika... Mwakona ku nanula litho a mina haiba mutabela kueza cwalo.

136 Ona kwanu kwa lilulu, kuna ni kalibe yainzi ona mwa lilulu le. Ki musali yomunsu. Kalibe, Hani ku zibi. Mulimu wa kuziba. Kono ki lani Liseli fahalimwa musali yani cwale. Una ni... Haiba Mulena uka patulula kuna butata bwa hao, ni so sweli kulapelela, kikuli uka lumela kuli ki Mulena Jesu ya ku tusa? Wa kona kuba mwa butata, kamba nto yeñwi yosweli ku lakaza, kakuli ki Leo foo.

137 Mwabona, balikani, mu li, “Kihande, ha Ni Si boni.” Zeo za konahala kuli musike mwa Si bona. Na kona fo ni talimezi ku Sona luli ona fa. Mwabona? U li, “Kihande, Muzwale Branham, haiba wakona ku Libona ka maikuto a hao, Na kona, nina.” Oh, batili.

138 Paulusi na boni Sani, yena Jesu mwa mufuta wa Liseli, mi bani bene bali ni yena ne ba si ka Li bona. Mwabona? Baituti ba linaneli ne ba boni Naleli, Liseli lene li ba zamaisa, kakuli yana Li boni yomuñwi hape. Ki la babañwi fela. Ki limpo.

139 Musali una ni butata bwa libelenge. Yeo ki niti. Hape una ni butata bwa pilu. Yeo ki niti luli. Teeleza, libizo la hao ki, ba ku biza kuli “Essie.” Um-hum. Libizo la bondataho ki Upshire. Um-hum, um-hum. U pila mwa mukwakwa obizwa North Cleveland Street. Nombolo ya ndu ya hao ki 1264. Yeo luli ki niti. Wena... U sweli Sesiñwi, kalibe. U ziba kuli wali kuba u ni swale.

140 Musizana yainzi bukaufi ni wena foo, usweli wa lapela, niyena. Mi usweli kulapelela mutu usili, mi yoo ki yani ki bomaho, ba ba ni se si fosahalile mwa maswafu a bona. Mi wena una ni sihabo ni musali yo *fa*. U mukwena hae. Mi libizo la hao ki wena Margaret. Yeo ki niti. Mi mu pila mwa sibaka se si swana. Na ku bona ha uzwela fande, ni kukena mwahali.

141 Mu nahana sikamañi ka zeo, sha, muuna ya tatama yainzi foo? Kana mwa lumela kuli Jesu Krete ki yena Mwana Mulimu? Wa lumela? Haiba Mulena uka patulula kuna butata bwa hao, kikuli uka Mu amuhela? Una ni butata bwa mwa mba. Yeo ki niti. Haiba yeo ki niti, yema ka mahutu. Kiniti. U mukutazi.

Kakuli, mu li, “U talimela fa litino za bukutazi.”

142 Ku lukile, kwanda zeo, kuna ni ya kulubela kuli ube wa Presbyterian, kono u mukutazi wa Pentekota. Yeo ki niti. Amen. Kuikalelwa kwa hao kona ku ku kutiselize litombo za mwa mba. Li felile. Zamaya kwa ndu mi ube hande, muzwale. Amen.

Ube ni tumelo ku Mulimu. Fela usike wa kakanya.

143 Ki sikamañi so nahana, wena yainzi foo? Eeni. Uh-huh. Kana wa lumela? U ni lumela kuba mutanga Mulimu? Kamba, ubata sika kuzwa ku Mulimu. Haiba Mulimu uka patulula ku na so bata, kikuli uka lumela kuli za Buipiteli za ezahala? Wa lumela cwalo, ona cwalo fela mwana ka bulelela Jesu? [Kezeli uli, “Ka

pilu yaka kaufela.”—Mu.] Pilu ya hao kaufela. Una ni se si melile, mi sikoto seo si melezi fa noka. Yani ki niti. Mi hape una ni butata bwa mwa mba. Bu tahile ka kuikalelwa. Yeo ki niti. Uh-huh. Libizo la hao ki wena Eva May. Readman kona la bo ndataho. U pila mwa mukwakwa wa, 1378 West 13th Street. Yeo ki niti.

Kuli ukone kuziba kuli Ni mutanga a Mulimu, yani ki musizana yomunyinyani wa hao yainzi foo. U mu kupela tapelo. Musizana nyana yani una ni mazambwe, mi a mutahelanga a tabile kamba ha lila hahulu katata. Seo kikuli SA BULELA MULENA KISONA.

Mushimani nyana yani ki munyana hae. Yeo ki niti. Mushimani yomunyinyani, hape, ubata ku lapelelwa niyena. U katazaha ki kufitepelwa mwa mba, mi ke le aota luli cwanofu nyana, ni yena. Nji cwani? Sani kikuli SA BULELA MULENA KISONA.

<sup>144</sup> Musali wa mukuwa yainzi bukaufi ni wena, ubonahala inge kuli u lyanganiswa ki nto yeñwi. Kana wa lumela, kezeli? U lumela kuli Mulimu ulumile Mwana Hae, Jesu Kreste, ku to pakela lusika lwa Bamacaba kuli Wa taha cwanofu? U na ni keleswa ye ku kataza, mi hape ni butata bwa lila, mi hape u ikalezwi. Ha u zwi mwa muleneñi wo, mane. U zwelela kwa Detroit. Nombolo ya ndu ya hao, ko pila, ki 12134 Fandler Street. Yeo ki niti. Detroit, Michigan. U mu Italian wena. Libizo la hao ki wena Viola P-o-l-o-m-. . . Polomba. Uh-huh. U be ni tumelo ku Mulimu, ni ku amuhela so kupile.

<sup>145</sup> Ki sikamañi se mu nahana, fafasi fo mwa nzila ye? Kana mwa lumela ka lipilu za mina kaufela?

<sup>146</sup> Kucwani ka wena, kalibe yomunyinyani yainzi foo? Kikuli u lumela ka pilu ya hao kaufela, kalibe nyana kwa mafelelezo koo? Kihande, mwendi alimuñwi wa mina, hakuna taba. U nahana sikamañi, kulo foo, yali bukaufi ni yena? Wa lumela ka pilu ya hao kaufela, me yomunyinyani yainzi, yasweli ku ni talimela? U nahana sikamañi ka zona? U lumela kuli Mulena Jesu uka ku folisa kwa misinga ye yemi yeo? Wa lumela naa? Mwendi unahana cwana, u ka lumela hahulu haiba Ni ku bulelela kuli muuna hao nana ni butata bwa zebe. No bata kuli alapelwe. Yeo luli ki niti. Uh-huh. Cwale wa ni lumela kana? No si ka utwa, hande pili. Mufuta wo u ku nyungile, taba yeo, kakuli u amuhezi foliso ya hao ona foo.

<sup>147</sup> No nanuzi lizoho la hao, wena yatatama ku yena, kalibe. U nahana sikamañi ka zona? U lumela kuli Mulimu uka ku folisa? [Kezeli uli, “Na ziba Wakona.”—Mu.] Uka eza cwalo? Ku lukile, kona kuli kuopa kwa hao mwa lingongo kuka kusiya. Kana wa lumela? Huh?

<sup>148</sup> U nahanile sikamañi, muñaka, wena ya nanuzi mazoho a hao? Wa lumela kuli Mulimu uka ku folisa kwa butata bwa pilu ya hao, aku eze hande? Kana wa lumela kuli Uka eza cwalo?

149 Wena, yainzi, inge u mu talimela foo, wa lumela, ni wena? U bata kuli Mulimu. . . U bile ni butata bwa pilu, ni wena. Nji cwani? Eeni. Mi no nani butuku bwa shuka, hape. Yeo ki niti. U lumela kuli Mulimu uka ku folisa? Kona kuli wakona kuba ni yona.

Kana ha u lumeli? Ube ni tumelo ku Mulimu!

150 Kucwani fafasi fa? Wena, muñaka, yainezi foo fa mafelelezo a sipula, wa lumela? Wa swanela kulumela. Kona u sa zo folisizwa cwanoñu fa. U bile ni butata bwa lihutu, nji cwani? U lumela kuli Mulena Jesu. . . Kono usweli kulapelela mutu usili cwale, yoo ki muzwale wa hao, mi umwa Wisconsin. Kona a sa zo pazuliwa fela kwa maswafu. Licika la ona ne li zusizwe mwateni. Yeo ki niti. Wa lumela? Kona kuli wakona kuamuhela zo kupile.

Oh, kufuyolwe Libizo la Mulena!

Ni ka Mu lumba, Ni ka Mu lumba,  
Mulumbe Ngunyana ye shwezi baezalibi;  
Mu Mufe kanya mina sicaba kaufela,  
Kakuli Mali a Hae atapisize masila kaufela.

151 Mulena ya fuyozwi, lu ka Ku bona zazi leliñwi ha u taha mwa Lihalimu. Lu ziba kuli U teni mo cwale mwa Mubili wa moya, U bulezi ili Wena ka kupetahala ku luna. Lifasi halikoni kubala sani, Mulena. Mane ha lu libeleli kuli likone, kakuli No ize, “Habana ku Ni bona hape.” Kono lu ziba kuli U na ni bana baba kona ku Kubona. Luna ni bana baba Ku ziba. Mi lwa itumela ka zona.

152 Mi lu lapela cwale kuli U fite mwa muyaho woo, ka Moya o Kenile omutuna, ni kufolisa mutu kaufela ya kula mwahali mo. Ona fa cwana ikungele kanya ku Wena, Mulena. Mi sicaba si si ke sa inelela mwa buino bwa kushwa, kono ha ba nanuhe ni kumonyeha, mi—mi ni kufa Mulimu milumbeko ni kanya. Ka libizo la Jesu.

153 Haiba mu Mu lumela, a muyeme ka mautu ni ku Mufa tumbo ka lipilu za mina kaufela. Mi mutabe ku Mulena Jesu, kakuli cwale U folisa mañi ni mañi wa mina, kwa kanya ya Hae yetuna ya Bumulimu. Mulena ami fuyole. Amen.



*MUÑOLO FA LIMOTA* LOZ58-0108  
(The Handwriting On The Wall)

Liñusa le ka Muzwale William Marrion Branham, neli kotalizwe lwa pili mwa Sikuwa la Bulalu manzibwana, Sope 8, 1958, ili fa Lane Tech High School mwa Chicago, Illinois, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)